


Nasanyiao-ung Bible khudthuol katam



Noah le Yui Katang



Koumayie: Edward Hughes
Kayeg: Byron Unger; Lazarus
Alastair Paterson
Koumartlong: M. Maillot; Tammy S.
Koumaled: Thyelsaangphom Khaling
Roikathawd: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.

Kayaakapi: Nangna yuorringmagna, hatloulimsa nangna silkathawd ruoi,
namkathawd ruoi kayaa.

1

Noah tou ka-uong
napaakheita Umti koukamag.
Akadeiyiaota Umti koumasaa
tamin kayai ningmagyiao.
Nikhei, Umna kathawn kayaa
tloukhei yakayai,

"Thlangimag
tlaipaang
hata touthlei
khangaa." Umna
Noahnan
kayai,
"Neichimkhur
yengyeng
karan-ung."




2

Yuikatangkhei mangminna simlei tod kadum-ung neminna Umna Noahnan kayai. "Hing-ei malikhei yachal, neichimkhur le yaayiao dagnung katangpuikhei," Noahnan chaikapi. Kouyou kachal-ung tousa Umna Noahnan kason. Noah thlou chinraa!



3

Noahna amali akou-ung kasaa eiyo-minna heikason le thamiyiaona aati koungalaa.




4

Noah amantrangta katang. Nawng yonrumagkilla Umnan aata rilkachuo. Mali tasa sachaiminna charing mangring theisangkhor.



5

Yu-waayiao mangruraa. Umna thiamyiao ini-inni, thaata khani-khani touna kouman. Waa kasi katang, yaa kasichaayiao kachoupuiyiao tod mali tasir sangkaaraa.




6

Yu-waayiao sangkaka le thamiyiaona Nohti yigrainag eiyo-minna yaileitangai. Umnan kabuorthlou katam ita tudmag. Maliraang tawngthung-aane touhagkilla yaimag.



7


Tutinta, yu-waa tod sangkachairaa.



"Maliraang sangkaahor" lominna Umna Nohti ka-uong. "Nang le neichimkhur."


Noah, anoo, achanapaa khayum le anooyiao mali tawngraa. Tatlawg-ei Umna thawng khaarrag!

8




Tatlawg-ei nawng yonruraa. Rani rasaa somlikheini simlei kadumna nawng yongkadaa. Yawnpui le yawnchaayiao yuidingna sanpaaraa. Nawng yakatud kaalra, bungyiao ruoi yuidaraag-raang leineiraa. Nilkasaari tod hichairaa.

9




Yui sankatangle, mali tasa kachouraang tlaoneiraa. Awuairraag chigtouri kami, koukhalun, chinadnulei tangai. Tatouchai yui katangrei mali tasana Noah-ei karngaanad kahoi.

10



Tanglaa phangaa yui tangtawg, Umna nawnglid kasaa mantraikayer. Katlabchaana, mali tasa Ararat tou ka-uong bung-ei adawnraang yongkabom. Yui kadin kangaaqna somlikheini kheiruoi Noah-i mali wuairraag kalei.

11



Noahna hatharaag kheile hathrukhei mali-ei khampudrei heilagkathawd. Hathru

tasa kaka


kahyengbi mumag-eina, Noahn khei mankatrai. Haabtaakhei tlawg-ei, Noahna kheiruoi heilagkathawd. Hathruna atakaamuraang olive tou hing-ei anaakhei kouman. Tatlawg-ei haabtaakhei hathru tasa khei manhalmaa, ta-eita, thalei sankaraa netousa Noahna phangraa.

12



Tuneitirta malirei chakathawg yaaraa neminna Umna Noahn kayai. Noah le abomwuaina yaayiao tod yongchumkayer.

13



Noah ahonpui kouri mathanglei! Aati tamin a-ei chimkhurti chinadkanu yui katangrei karan Umti Noahna ramaalkhei samin kamagkhor.

14

Umna Noah-ung
rilthleinadkanu
koukantrongkhei
kapi. Buor-ei
tloutheadnung,

kheiruoikhei
yui katang
thawgyermangaa.
Masangkin tasana
Um-ei koukantrong
phangnanad.

15

Yui katang
markuomtlawg
eita Noah le achimkhurna
kadou bomwuai sanroukayou.
A-ei yuchaayiao, tlaipaang
kathyemna khei sankapung.
Tlaipaang-ei khulri
tod Noah
le

achaayiao nanrei roukayou.

16

Noah le Yui Katang

Um-ei Tlou, Biblerei

mukaphaa

Rouyounad 6-10

"Nei-Tlou mangkachangle kawaar koumang."
Laa 119:130

17



3

60

18

Rilthleinadkanu kayai Umna ngiti kasyem tamin
ngina Aati phangleilo minna Bible-ei tloulimraang sonkather.

Buor touna ka-uong, thlangaimag thlouyiao ngina katam
netousa Umta kaphang. Buor-ei tantita kahi, tatouchai Umna
neiti thirangmeimin khadpagtou Achaanapaa Jisuti, khrosraang
hinung tamin neibuoryiao-ei tanti dounung yakayin. Jisu kheiruo
sankharing tamin Thangwuanramraang sangraa! Nangna Jisunan
rilchuo raangaita, neibuoryiao kupanung sanyaicha, Aana
yakupathoi! Aa yongminna neihonpui wuairaang
chudmagna yongthrunghoi.

Akachim tasa hata neminna
neiril chuoraangaita, Umna hatouna heiyaicha:
Oh kathi Jisu, Nangta Um, thami rawoi kahoina keibuor ungkum
hikhor tamin khei sanringkhor, netousa keiril kachuo. Keichaan
wuairaang yongchang minna keibuor yakupi, ngeiruo kadou chaan
phaakangui, tamin Nangpui chudmagna thrungkangui. Neikayai
kouning Neichaakhei souna Nayingkum ngei thrungkangui. Amen.

Bible heipaa tamin ni tungtang Umpui heiyiryai! John 3:16

19